



# Хабар

O'ZBEKISTON POCHTA VA TELEKOMMUNIKATSIYALAR AGENTLIGI NASHRI

1992 yil martdan chiqa boshlagan

2001 yil, 2 mart, juma № 9 (442)

Sotuvda narxi erkin

## МУНИС ОНАЛАР, ЛОБАР ҚИЗЛАР, МОХИР АЁЛЛАР!

Ўзбекистон почта ва телекоммуникациялар агентлиги номидан Сиз азизларни 8 Март – Халқаро хотин-қизлар байрами билан чин қалбдан, самимий муборакбод этаман. Оналар ва болалар йилида Сизларга сihat-саломатлик, бахт-саодат, оилангизга хотиржамлик, тинчлик, ишларингизга эса муваффақиятлар ёр бўлсин!

Ф. АБДУЛЛАЕВ,  
Ўзбекистон почта ва телекоммуникациялар агентлиги Бош директори



Муҳаммад ЮСУФ

## ЙИЛ САРҲИСОБ ҚИЛИНДИ

Хайъат йиғилишида 2000 йилги иш якунлари кўриб чиқилди.

Ўзбекистон почта ва телекоммуникациялар агентлиги хайъатининг кенгайтирилган йиғилиши бўлиб ўтди. Унда «Почта ва телекоммуникациялар соҳасида 2000 йилги ижтимоий-иқтисодий ривожлантиришнинг якунлари тўғрисида» агентлик Бош директори Ф. Абдуллаев маъруза қилди. Утган 2000 йили алоқа корхоналари жами 58,9 миллиард сўмлик, жумладан, аҳолига 20,7 миллиард сўмлик пулли хизмат кўрсатди. Давлат корхоналарининг даромади 3,05 миллиард сўмни, акционерлик жамиятлари даромади 34,7 миллиард сўмни, қўшма корхоналар даромади эса 21,2 миллиард сўмни ташкил этди. 1999 йилга нисбатан жўнатмалар 33,3 фоизга кўпайган бўлса, халқаро ва шаҳарлараро телефон сўзлашувлари 28,7 фоизга ўсди. Хат жўнатмалари ва пул ўтказиш хизматлари 1999 йил даражасида қолди. Телеграммалар сони эса ўн фоизга камайган. 2001 йил, 1 январга келиб асосий телефон аппаратларининг сони 1599,0 мингтани ташкил этди. 2000 йили ҳаммаси бўлиб 100,39 мингта телефон аппаратлари ўрнатилди. Телефон аппарати-дан воз кечиш 47,9 мингтадан иборат бўлди. Умумий ўсиш эса 52,7 мингтадир.

«Республика телекоммуни-

кация тармоқларини ривожлантириш ва қайта қуриш Миллий дастури»ни амалга ошириш ишлари давом эттирилди. Япония ва Жанубий Корея кредитлари асосида телекоммуникациянинг турли соҳаларида маълум ишлар олиб борилди. Айна пайтда Ўзбекистон телекоммуникацияси бозориди Германия, Япония, Индонезия, Швеция, Хитой каби қатор хорижий давлатлар фаол иштирок этмоқда.

2000 йили почта ва телекоммуникация соҳасида жами 82 та корхона мавжуд бўлиб, шундан 43 таси акционерлик жамиятлари, 13 таси эса масъулияти чекланган жамият, 11 таси қўшма ва 15 таси давлат корхоналаридир.

Утган йили Навоий, Бухоро, Хоразм вилоятлари ва Қорақалпоғистон Республикасининг давлат электралоқа ишлаб чиқариш корхоналари, шунингдек, «Шаҳарлараро алоқа корхонаси» ва «Тошкент телеграф-телефон станцияси» акционерлик жамиятларига айлантирилди.

Жорий йилнинг биринчи январига келиб асосий дебитор қарзлар 5402,7 миллион сўмни, кредитор қарзлар эса 6049,8 миллион сўмни ташкил этди.

Режага мувофиқ 246 та ҳўжалик субъектлари текширувдан ўтказилди. Шундан почта соҳасида 45 та, электралоқа соҳасида эса 201 та корхона текширилди.

Корхоналар айби билан ўтган йилнинг шу даврига нисбатан шикоятлар 5,0 фоизга ўсган, почта соҳасида бу кўрсаткич 23,0 фоизга камайган бўлса, электралоқа соҳасида 2,0 фоизга кўпайган.

Фан-техника ва маркетинг тадқиқотлари марказида 41 тадан ортиқ қонун актлари ва меъёрий ҳужжатлар, тўққизта илмий-тадқиқотлар, шунингдек, бошқа кўпгина ҳужжатлар борасида иш олиб борилди.

Хайъат йиғилишида соҳада тўпланиб қолган бошқа муаммолар ҳам атрофлича, танқидий руҳда муҳокама қилинди ва аниқ таклифлар билдирилди.

Йиғилишида муҳокама қилинган масалалар бўйича «Ўзбектелеком» акционерлик компанияси бош директори А. Жўрабоев, «Матбуот тарқатувчи» акционерлик компанияси бош директори Р. Қосимов, «Ўзбекистон почтаси» ДАК бош директори ўринбосари Қ. Тўлебоев, «Жиззах почтаси» акционерлик жамияти бош директори С. Саидмирзаев, «Сурхоблар почтаси» акционерлик жамияти бош директори А. Тўрақулов, «Самарқанд почтаси» акционерлик жамияти бош директори А. Гафоров, «ЎзПАК» бош директори А. Хўжаевлар сўзга чиқдилар.

Қўрилган масалалар юзасидан тегишли қарор қабул қилинди.

Хайъат ишида Ўзбекистон Республикаси Вазиirlар Маҳкамасининг қурилиш материаллари sanoati, транспорт ва алоқа мажмуаси котибияти мудири ўринбосари С. Абдурахмонов қатнашди.

И. АХМЕДОВ

## КЕНГАШ ЙИҒИЛИШИ

«Ўзбектелеком» акциядорлик компаниясида 2000 йил иш якунлари ва 2001 йил режаларига бағишланган директорлар кенгаши бўлиб ўтди.

Уни Ўзбекистон почта ва телекоммуникациялар агентлиги Бош директори Ф. Абдуллаев бошқарди. Кенгашда акциядорлик компанияси бош директори биринчи ўринбосари Х. Муҳитдинов, бош директор ўринбосари М. Бердибеков, «Қо-

рақалпоқ Телеком» акционерлик жамияти бош директори Ў. Таженов, «Жиззах Телеком» шўба корхонаси бош директори ўринбосари Ю. Ёрбобоев, «Андижон Телеком» акционерлик жамияти бош директори А. Қодировлар сўзга чиқишиб, ўз корхоналаридаги аҳвол хусусида маълумот беришди. Шунингдек, кенгашда Ўзбекистон почта ва телекоммуникациялар агентлиги Бош директори Ф. Абдуллаев,

«Ўзбектелеком» акциядорлик компанияси бош директори А. Жўрабоевлар якунловчи сўзга чиқишди.

Кенгаш кескин танқидий руҳда ўтди. Унда Ўзбекистон алоқа ходимлари касаба уюшмаси марказий кўмитаси раиси Т. Назаржонов ҳам қатнашди.

Қўрилган масалалар юзасидан тегишли қарорлар қабул қилинди.

ЎЗ МУХБИРИМИЗ

## СИЗ ЎША

Гулим, меҳр кўзда дегани — ёлғон,  
Сиз менинг дилимда ўчмас ёлқинсиз.  
Қанча кўришмасак, шунча қадрдон,  
Қанча олис бўлсак, шунча яқинсиз.

Девона ошиқман, мен бир девона,  
Айтинг, сиздан бўлак кимим бор яна?..  
Сиз йўқ чоғимдаги дунём бегона,  
Сиз йўқ боғимдаги гуллар ёқимсиз.

Сиз — ачиқ қисматим, сиз — изтиробим,  
Сиз — ширин дардимсиз, ширин азобим,  
Сиз — менинг кўклардан топган офтобим,  
Ерларда йўқотган кўзмуноғимсиз.

Ёдимда кечаги шўхликларингиз,  
Кипригимга теккан киприқларингиз,  
Сиз ўша — орзуси ойдин ойдин қиз,  
Сиз ўша — кулгуси кўнгиригимсиз.

Сиз ўша — кўнглимга кўнгли ин қурган,  
Сиз ўша — жонимнинг устида юрган,  
Тўқилай деб тилим учиди турган  
Шеъримсиз, куйимсиз, битмас оҳимсиз!

Бундан бир неча кун ил- тизимидаги ўқув юртлари- гари Ўзбекистон почта ва телекоммуникациялар аген- тлиги раҳбарияти кўрсат- дида амалга оширилаётган

## ЧЕКСИЗ МИННАТДОРМИЗ

масига биноан ЎзПАК кор- хонаси Тошкент алоқа кол- лежини интернет тизимига бепул улаб берган эди. Куни кеча эса агентлик то- монидан коллеж талабалари- га яна бир бор мурувват кўрсатилиб, тўққиз дона IBM русумидаги компьютерлар ҳада этилди. Бу эса коллеж- даги мавжуд иккита компь- ютер синфига яна бир синф кўшиш имконини беради. Агентлик томонидан ўз

бундай хайрли ишлар кад- рлар тайёрлаш миллий да- стурини рўёбга чиқаришда муҳим аҳамият касб этади. Биз талабаларга кўрсати- лаётган бундай гамхўрлик- дан агентлик раҳбариятига ўз миннатдорчилигимизни билдираимиз.

Ш. МАХМУДОВА, О. ЖўРАЕВ,  
Ж. АБДУҒАФУРОВ,  
Б. БИЛОЛОВ  
Тошкент алоқа коллежи  
талабалари





